

詠菴詩存

蘭野權歌 今體一百首

秋雁題誌
六卷卷之三



朱太史竹垞先生成駕湖權歌
首同人知之倚教耳而歌一時傳
吳越間稱為韻事然所歌者多
流連光景之辭於邑之志乘少
所關係歙州汪生秀峯寓蘭
谿者經年於其志錄成蘭谿
權歌之如智湖之數中間山川之



明初處人物之俊良民風去俗之淳
朴與夫古蹟之由興而廢由
廢而興物產之昔有今無昔
無今有以及前人所載闕者補
之謬誤者訂正之而其寄之
承子歌又皆語淺情深興之易
韻遠詞人咀而味出棹郎習而

成吟準之知吾浙者殊其旨趣
而同其逸鄉者矣秀峰多藏
古書不拒借閱嗜以篆刻金
石篆隸略備少喜結客名流
滿座然以性剛直不能俯仰
隨人多忌之者今闔守仇希
之戒涵泳風詩且與漁人田父

取權邪之類之優柔嗔緩者
時之把玩而吟唱之亦足以和
易其性情而善其悖中正也夫
乾隆乙亥夏五長洲友人
沈遠潛題於石門舟次

題詞

翠堆烟壑練橫江墨瀋淋漓倒酒缸隔岸
月斜燈火亂數聲漁笛按新腔星沙雪舫
周宣猷

第八洞天衆香國溪山真箇水精域我友
汪君本謫仙欲擬營邱兼百幅斗牛之墟
吳會西徧生香草惟蘭谿寓公三載獨倚
權此間頗有梯仙梯映門一水流泯泯繞

屋名山如束筍擁書萬卷托權歌吟就百
篇還自哂長年從此解清歌鞭羊昨夢初
平過接跡鴛湖潛采叟千古賞音喚奈何
海隅鈍叟施謙

潯陽臥病白居易夔府孤舟杜少陵欸乃
聲中飄泊客千秋詩史一漁燈 文安高
躅烟巒外子煥忠魂灘月中嗚咽蘭陰山
下水歌成四面起悲風 紫巖長嘯北山

北秉國高吟亭外亭應有遺編同禮部遐
搜一權雨冥冥 絕勝土風著陽羨漫誇
耆舊紀襄陽竹枝百首吟蘭谷墨瀋都成
王者香 師古博堪箋兩漢太冲才可賦
三都如何泛宅蘭江上樵唱漁歌屈壯夫
澱紋波上君工病姑菘山前僕善愁小
住爲佳忘歲暮被君詩句苦勾畱紉齋周
芬佩

如澗江邊水幽人此儼居放歌消歲月無
事逐樵漁堪補圖經佚如聞欵乃餘淋漓
墨瀋在價敵百碑礫萼汀李英

澗溪溪水澗紋生日日拏舟溪上行溪女
不知愁客思晚來漁唱滿江城 土風編
入竹枝歌落日酸風撼碧柯不用拏音苦
相和青衫已覺涕痕多葦浦杭世駿

高歌聲遠徹寰區風送雲間入海隅逸響

最宜清夜月餘音猶動晚秋蒲數來人物
成今古點出山川似畫圖蘭草不生春浦
上他年故事得如無南村喬永頤

嚴瀨折而上百里爲蘭溪灘雄水清駛歷
亂飛鳧鷺鬱鬱金華峰中有仙靈棲汪君
客其地勝處頻攀躋探奇裹糧往訪古詩
瓢攜邑乘泊野史卷帙勤考稽土風辨纖
細逸事窮端倪製爲榜人歌數與鴛湖齊

吟和瀑泉鳴響苔山禽啼優柔而嘽緩音
節區高低端合被弦筦兼可資談犀漁翁
不讀書一權隨東西韻語與傳唱激越驚
村黎山來澹蕩人乘興多畱題蒼萃成詩
史妙語開荒翳雜誦有餘味詎比寒蟬嘶
初觀許大綸

幾度蘭江鼓櫂過土風曾問嬾菟羅何來
澤畔閒行客一弄溪聲一放歌 遺愛祠

堂何處尋

明家仲木副憲嘗
令蘭谿有遺愛祠

蘭陰山下水

空沉櫂聲時荅江樓唱見說吾家有嗣音
黃海非遙故國思澱溪處處欲畱詩載
歸西子湖頭去爭似揚州唱竹枝芝谿愚
兄澎

蘭陰城下水漣漪寶婺鍾靈洞壑奇僻壤
爭延名士屐遺踪都入寓公詩喚船野渡
逢桃葉浣筆山窗譜竹枝從此澱溪漁唱

好沿流齊按水雲詞雲亭舒瞻

東臯舊社凋零久感離傷逝情何有往還
影事付雪鴻酬唱唵箋等芻狗似君坎壈
向蘭谿三年讀易江樓栖歸來朋好幾人
在百首新詩手自攜示我回環燈下讀恍
憶春流縠紋綠扁郎唱櫂昔遊曾汗漫經
行徒碌碌何當蒐討成權歌遺文隱蹟勤
撫羅敷以清詞標麗句補益志乘流傳多

我亦叢殘粉敝笈章安雜詠誰收拾書坊
不廢谷音存一編相定江湖集苕溪珠淵
戴廷禧

君多山水癖江上寄情賒攷古搜名勝探
幽閱歲華短箋騰筆陳高唱授漁家試聽
清歌發輕舠拂淺沙鹿田朱樟

十里蘭江春水生榜人齊唱權歌行清遊
盡發江山勝展卷憑君百首成 閒來倚

權發商歌響戛龍門百尺柯直與溪山畱
掌故懸知腹笥聚書多玉笥傳王露

蘭谿權歌

古歛汪啟淑秀峯著

蘭谿名著自唐初地富民淳好卜居稽古
似分姑蔑地楓山底事竟忘書

蘭谿縣唐咸亨五年八月始置隸於
婺州姑蔑之名見左傳舊無縣誌惟
正德間章楓山先生所輯者
頗爲博洽而獨不載此說

風生微澱漾輕波掠岸漁舟動權歌愛煞
谿山疑碧處斷雲歸鳥晚來多

縣西南江中水類羅穀文因號澗水
岸多蘭茝故名蘭谿谿山凝碧北門
城上額也

慎獨高齋跡久傾心箴難向畫屏尋又牙
剩得當階木白髮人言是水沉

慎獨齋在香谿宋賢良范先生浚居
也今廢齋前有古樹一株經年無葉
亦不頽朽者老
皆言是水沉木

城南江畔盡巖阿戶戶高樓俯碧波怪道
香雲飛不散瑣窗春早啟多羅

城南諸山皆迤邐有情而巖谷窈窕
沿江居民多構層樓穴牆作窗比戶
皆然

排擊新都不少休筆叢著述亦風流一般
也有麤疎處布婦空誣壯繆侯

明邑人胡應麟作丹鉛新錄藝林學
山以駁楊升菴自負博雅而舛謬甚
多如引三國志關羽傳注云謂羽欲
娶布妻啟曹公疑布妻有殊色因自
留之按此乃秦宜祿妻並非奉先婦
也何涉之有豈元瑞未覩裴注耶

當年摹印推君大螭匾輒窺細討論剩有

六書分類在老成雖謝典型存

國朝摹印邑中以吳綱君大為能事
比來竟無善此技者宋進士倪鏗所
著聽松閣六書分類
多置不觀殊可惜也

江水春來碧似油尋芳更好是中洲王郎

藉甚能詩客底事思鄉淚獨流

中洲在城西江中細草平沙春日士
夫多修禱於此明王毓德蘭谿夜泊
詩思鄉淚共蘭谿水
一樣潺湲過枕邊

馬公灘外少人家潦淨波澄露白沙秋晚

東峰亭上望一江紅葉艷於花

馬公灘在縣南對江衢發兩水環匝
其外上多相樹晚秋之際火齊萬串
殊大觀也東峯亭在聖壽寺後山唐
洪令所建馮宿有記歷朝修葺今已
廢盡矣

東郊纔看罷鞭春百技當場鬪所能一瞬

上元佳節到村村鉦鼓賽橋燈

楓山先生舊志云立春前一日邑宰
率僚屬迎春於東郊邑中各色行人
及諸技藝之徒各具色服呈其所習
藝業作樂以為戲傾城士女皆從觀

馬是日清晨邑宰祀太歲畢行鞭春
禮碎土牛鄉人以板上置燈十餘盞
首尾銜接蜿蜒絕
似火龍名曰橋燈

大火西流暑氣收兩川景物劇清幽吳舸

越舸紛紛過誰載蒲帆一半秋

縣基適當衢婺兩水合金之處故云
兩川薩都刺蘭谿舟中詩越船一葉
蘭江上載得
金華一半秋

洞源僻寄白雲隈多半邨民業杖灰如水

香車爭路入棲真院裏曝經回

洞源去邑三十里有小三洞其村居
民多業石灰故窰屋纍纍而棲真禪
院高據山巔六月六日作曝
經佛會邑中閨人傾巷而往

春風先到望江樓岸柳青青縮別愁時雨

連宵新漲好櫓聲搖夢下滄洲

望江樓在北門江上邑人送迎之處
也江雖廣而源近每一雨便有新漲
宋真西山先生蘭谿
舟中詩櫓聲搖客夢

天妃穹宇峙江津郎罷招邀去賽神見說

今年靛花好西門時有醉歸人

邑西城內閩人建有天妃宮頗靈應
春時賽願者無虛日而山中種靛者
頗廣皆閩人生理也

叢桂何須誇小山雲泉屈曲鎖柴關綺城
多少朱門宅爭及唐園可養閒

唐家園在城東石門澗多桂樹雲泉
繞其門最幽靜澣花溪秋香亭青霞
洞為尤勝處

城西江畔數牙檣說是官人舊駕航政簡
時清供應少年年閒然越艇郎

驛中官舫皆泊城西江畔近年當事
愛民往來多自雇扁舟而官舫經歲
無撐駕之勞矣

雲藍小袖踏青春義髻濃蛾各鬪新十廟
燒香循舊例重來不見孟婆神

蘭谿閩人春時傾巷而出歷燒十廟
香始返而城東孟婆廟遊者更多結
有孟婆會前邑侯張瑤圃
先生恐致滋事親毀其像

方外能詩數雪堂貫休一瓣有餘香誰知
拔盡山川秀近日僧雛半啞羊

釋超凡號雪堂能詩畫刻有集予曾為之序唐僧貫休邑之太平鄉人出家安寺著有西岳集二十餘卷今失傳

幽居菴占蘭城北傑閣駮駮恣遠觀怪底

邑人輕曲律應真畫裏解吹彈

城北十里外有幽居菴中起高閣頗足遠眺邑人不喜音樂故善歌者頗希瀨江鹿苑史可程幽居菴十六尊者畫記云曾有紳士請歸其家夜聞梵唱因駭異送歸菴至今尚存

窮經誰買鎮心瓜佛手獅柑莫浪誇更有

密羅甘似蔗擘來香露濺人牙

獅頭柑佛手柑皆邑之所產而蜜羅更佳形色如佛手但無指兩頭微尖其漿甘香特異

金粟離離漸吐芬橫山支策倚斜曛楞嚴

十笏吾無隱不數高家香入雲

橫山即蘭陰山也楞嚴菴據其巔中多老桂高子章甘棠鄉人庭有兩桂屹立因取蘇文忠公何氏讀書堂記中語扁曰香入雲友人杜端父為之賦詩以紀其事

南山危塔轟青冥歷劫依然似有靈鶴髮
老翁親為說墮磚曾見赤烏銘

蘭谿共有三塔已廢其二所存惟城南山巔之塔曾遭鬱攸而崔巍無恙聞諸老翁昔年風墮一磚上刻有吳赤烏年號

憶昔常山報被圍蘭陰洞裏難民依渚禽
不識承平久津鼓聲中尚背飛

蘭陰洞在蘭陰山之半高廣如屋元季兵亂村民多避匿其中

小亭如笠名山意一記曾煩禮部公何事

邦人忘舊德甘棠遺蔭盡教空

山意亭在縣南桃花塢之東高峯上元知州辛忍仁建邑人吳師道有記繞亭舊植喬松豫章而今盡廢

黃湓聞說有仙蹤我亦年來學餌松休道

飛昇安可望稚川丹井在三峰

皇初平邑之黃湓人牧羊金華山石室中四十餘年兄初起往尋之入山相見問羊何在初平叱石成羊萬頭初起遂亦棄妻孥服松栢共成仙去三峰山去縣西北四十里其巔為葛稚川修煉之所丹井尚存

木落高省見遠青重陽蚤菊弄娉婷今年
嬾向登高去且坐城南閣老亭

高眉山去縣東北二十五里一峯高聳羣岫迴環石磴臨空松陰蓋地境最幽勝閣老亭即明趙文懿公遺跡在南城中頗供遠眺

新安閣裏晚涼賒苑樹青蔥集亂鴉更向

黃公橋上望雨餘漂出內城花

新安閣據南山巔吾徽人會館也黃公橋相去約二百步城河從此泄水

隄外江光裏麥苗馬馳沙路健于潮迴鞭

猶見金龍廟又報前程到板橋

邑至郡必由城南江上金龍廟去縣十里村多郭姓板橋去縣二十五里宋僧可威所建蘇簡記云蘭谿縣陸走郡再舍而近來者捐舟去者問津車聲足音憧憧達旦板橋屈其中途

武安王廟俯長江颭杳靈風颭碧幢多少

少年城上望原來紅粉在蓬窗

闕帝廟在縣西城上其外即大江來往商船多泊於此

花園蜂蝶舞輕楊茉莉盈頭逆鼻香只為

阿侯多秀慧勸郎移住解元坊

花園巷在縣北邑素產茉莉故戴者甚多不以爲貴解元坊在學門西因胡文善立

處處春風颺酒帘桃花塢裏暢遐瞻樂顏

遺宅無人到雙燕啣泥自入簾

桃花塢在縣南門外里許塢中多植桃樹因得名龍舒張景畱僑居蘭谿名其齋曰樂顏黃文獻公潛爲之記

雕樓粉堞切雲浮瀲灩清江繞郭流北錯

南珍俱輻輳佳名不媿小蘇州

蘭邑三面臨水惟東門近山向因百貨交集故有小蘇州之名

靈泉寺額已成灰齒冷諛詞安在哉萬世

不磨惟直節試看高聳告天臺

寺有榜曰靈泉之寺蔡京所書也政和四年縣主簿朱恂與知縣俞次契縣丞趙樸縣尉吳師尹輩爲文記之曰書心畫也由書以觀可見所養太師魯國公以道經國爲時周公左右聖王運量天下廟謨成算不可得名其發而爲書則敦大博厚玩之無斲似德含洪包容緩而不迫似量其靜

也一毫不露其肆也萬象森列又云
無問遐邇凡公片書隻字在在有神
物護之云云彼蔡京者何如人哉而
極口稱誦如此當時士大夫諛佞成
風廉恥安在告天臺趙氏因其祖清
獻公抃每日常焚香告天故築此臺邑
令李得陽有記
至今完好無恙

四月馗厨滿市街量珠大賈覓嬌娃施財
誰更如潘老百世高名迥不埋

邑中所聚市者惟香菰最廣故業此
者皆巨商大估明邑人潘金紫之父
中年無子妻為娶妾於舟次得一女
詢之則某太守所出潘惻然歸之不

索其價踰年即生金
紫人以為陰德之報

韶春百舌弄朝晴澱水驛前津鼓鳴買得

扁舟號蘆鳥金臺灘淺掠波行

山中多此鳥日曙時交鳴喃喃澱水
驛去縣南一里許宋名蘭臯元名蘭
江水站明初名蘭谿驛洪武十四年
更名澱水驛國朝仍之蘆鳥小舟
名也金臺灘去
縣西南十五里

僑居合就馬鞍徐比戶人能釀醪醕鄉味
更推江鯉鱸秋風何用憶莼鱸

馬鞍徐邨名也產佳釀蘭江鯉魚最

美明家朝宗先生蘭谿權歌云蘭谿

三日桃花雨夜半鯉魚來上難國

朝朱竹垞蘭谿道中懷遠詩銀絲細

未破新正無個事試燈風過日遲遲相將

習俗新正不動刀尺蓋本義山新正

未破剪刀閒詩意仁惠廟去縣北二

百步所祀徐偃王也俗傳正月二十

為偃王生日作鰲山設齋斛命僧諷

經至廟拈香者

皆得預湯餅

中秋涼月印芳庭戲竊金瓜步野坳一角

江樓嫌不足移舟買酒問漁亭

俗例中秋婦人聯臂踏月竊金瓜為

得子之兆問漁亭在獅巖寺明趙鳳

連村桑柘綠于嵐晴暖人家盡浴蠶匝月

麥苗無快雨乞靈又議向龍潭

龍潭即橫山潭在蘭陰山下深不可

測故老相傳有龍宅焉故名龍潭為

寒食家家上墓田素車麻髻劇堪憐東風
那管人間恨開徧漫山紅杜鵑

清明寒食各具酒肴祭其先墓新發
則素車麻髻哭於塹側山間多野杜
鵑花開時
一望如火

天池泉畔蘇公墓落日松風湧晚濤一疏

減羅三萬疋芳名直與紫巖高

元吳師道小三洞記云棲真寺湧泉
蘇公墓在其左傍有天池泉泓然澄
瑩冬夏不枯蘇公者轍之子遲也建
炎初遲以秘閣出知婺州上言本州

供羅歲增數萬餘疋民實不堪詔減
之紫巖山去縣東二十五里與洞源
相近狀如履金穹
窿深廣最為高峻

蠟屐來過挂榜山言尋靈瑞舊雲關令威

化鶴冲霄去丹井空餘在世間

挂榜山在縣東城外拔地數十丈延
袤五七里以其橫列學宮之南故名
浩然觀去挂榜山里許唐天寶時建
舊名靈瑞宋治平中改名今已廢中
有白衣真人
煉丹井尚存

文昌祠下荷池水風漾漣漪綠映衫破礎

顏垣誰復顧打門啄木語咕喃

東門外學宮旁水池中多種菡萏上
有文昌祠乃縣宰薛理常所建以祀

范香谿金仁山吳
正傳諸君今將廢

青衿城闕譏佻達掌教誰如李白夫盛德

蘇湖堪接席何辭千里致生芻

李璧字白夫武緣人弘治十二年任
縣學教諭立身端謹待物真誠視諸
生如家人父子丁外艱歸後累任禮
部員外卒於道距官縣學時已二十
餘年聞訃者
猶踵相弔問

娟娟翠竹舊名猶明庶風中蚤放梢攝勝

樓前添萬箇恰如子美在江郊

楓山先生舊志貢賦中有貓竹詢之
土人言不甚長二月中即有新竹攝
勝樓在河西外市趙鳳城所建也杜
子美堂成詩云緣江路熟俯青郊又
云籠竹和烟滴
露梢故借比之

禱木既能生翠葉誦經曾否得靈花榮枯

亦是尋常事有說流傳孰闢邪

宋蘇林洞源棲真院枯木復榮記云
父老相傳舊有石闕寺僧如契貌肖

泗州常誦泗州菩薩不輟口人有疾
 病來禱者刺指血書泗州號令佩之
 卽愈後寺廢契深入於山見林莽中
 有洞穴焉意喜之其下有泉清泚可
 燭鬚者泉側有枯木數根因誦泗州
 泉為之湧酌泉以洒枯木默禱曰枯
 木再榮吾卽此居三日枯木一根復
 敷榮枝葉茂盛父老異之捨金鳩材
 以建寺焉

誰將二酉號山房日擁書城坐古香流轉

已歸唐貢士親賢賺得姓名芳

二酉山房在北門城內思親橋畔明
 胡應麟藏書處也其址今歸貢士唐

正學

豢龍巖古少經過終歲煙霞護薜蘿澎湃

松濤生夜半錯疑歸海弄洪波

純孝鄉興教寺後有巖名豢龍章楓
 山先生舊志云老僧德麟豢龍於此
 故名

隴麥呈祥循義里秋芳成錦石涼亭爭如

明遠吟樓上日見香山佛髻青

咸淳壬申歲純孝鄉出瑞麥進士董
 坦有贊知縣薛至圖刊於石置壁上

循義里名也石涼亭去縣南二里許
亭旁有小菴歲藝秋色最佳明遠樓
在城北隅胡玳所居徐君善有明遠
樓宴集詩序香山亦在縣北其山富
名玉蘭故
名香山

神池紅鱗見無由杲杲驕陽劇可憂仙洞

雲生欣有望只愁移腳過他州

道峯山麓有神池方四五尺中潛金
色紅蟹歲旱居民禱之出則有驗仙
洞在太平鄉曉有
雲氣則其日必雨

密山怪石儼成行好古誰尋佛跡香應是

塵囂飛不到觀音巖下有瑤芳

去縣北三十里平野中有山突起高
數十丈名密山上有觀音巖巖下怪
石如笋巖上有佛迹故名
佛迹山奇花異草人迹罕到

春來何事遣蕭閒簇酒尋詩訪石關馬跪
跡荒人不到花時岑寂是崧山

石關去縣城南十里元時磊石拒敵
於此故名崧山在縣北山之半有馬
跪跡俗傳昔時避
兵之所今已無覓

古栢垣中春已深枝頭姑惡逞鴉音東風

零落能仁院草沒香臺不可尋

楊溪橋東有徐用檢所結瞻菴中有古栢垣相傳為宋元所植明太祖取

楊家堰外柳拖黃最好漪裙是鷺塘曲渚
如他交頸宿時將金豆打鴛鴦

楊家堰在香谿之南宋楊谿范端杲所鑿鷺塘一名冲塘在橫山鄉廣數十丈長數里金豆比金橋更小邑之所產

曉寒何至欲冰肝萬里征途自鮮歡閒倚

聚星樓玩雪閉門直可傲袁安

楊廷秀曉泊蘭谿有句云曉寒真欲冰我肝聚星樓宋宗室趙良恭居也至順庚辰冬大雪良恭置酒招友十人以韓昌黎詩隨車翻縞帶逐馬散銀杯為韵徐君善有序引據歐蘇二公聚星堂前後讌賓故事惜其詩今無考

慶成橋上好秋光時有風荷遞水香莫道
長湖長十里長湖爭及妾情長

官橋一名慶成在縣西一百六十步
長湖在武昌鄉長十餘里故有是名

馬嶺蒼茫帶夕曛昏鴉又滿范公墳女兒

渡口風波惡終日相思空望雲

馬嶺並范香谿先生墓俱在縣北女
兒渡在平渡鎮溪流至是東西二百
餘丈水甚湍悍宋紹聖中邑人劉思
恭造浮梁名普濟後縣尉李公彥相
繼修治改名
望雲今盡廢

蛟湖碧浪幾多灣菊圃爭誇十畝間堪羨

王孫有清福日臨絹海與膠山

蛟湖周五里在橫山鄉菊圃趙貢士
用典所居也中有軒顏曰十畝之間
貢士能文嗜古壯年即
杜門肆志于林泉書畫

儂家住近永昌谿愛弄瓜皮逐浪梯一夜

黃梅新雨漲隨流直到塔山西

永昌溪在縣西發源於壽昌長嶺甘
棠瑞山兩鄉交界處也塔山去縣西
南十三里山頂有伍子胥廟山麓有
隱仙洞高廣如屋嘗有二三人秉炬
遊焉忽聞上有刺
船之聲遂懼而返

竹林同榜憶前明有志從來事竟成必竟

靈湖靈不爽能教菡萏並頭生

景泰初紫巖鄉靈湖有並頭蓮時大姓郭氏家於湖上苦志讀書其年秋

郭仲初與兄子時頤聯名鄉薦人以為雙蓮之應

錢王故井已荒涼掃葉誰為試煮嘗春暖

閒經游渡過空聞比戶焙茶香

錢王八角井在甘棠鄉青山下今已荒蕪游渡去縣西南五十里

鶴山大節聳崔巍碧血萇弘事可哀不惜

一身期報主冰心真足並寒梅

鶴山明贈太常少卿陸公震別號也陸公諫阻武宗南巡下錦衣獄斃於

杖不惜一身即疏中語也初公在獄時杖瘡方劇慷慨賦詩有句云惟有

梅花八夢香其從容就義若此

尋秋在在稻花香信是江東一富疆閒數

前朝文物盛應家賜笏有餘光

邑多良田故產米最廣橫山鄉應氏藏其祖登第時有賜笏上刻云皇帝

御集英殿賜進士臣應浩十二字皆塗以金惜其登第之年與事跡竟無

所考

妙絕吳公五字詩問奇取酒悔來遲篋中

廿卷真鴻寶風雅知從濂洛師

元禮部郎中吳師道棲心經穴為一代儒宗而於五言詩尤妙絕予得其

跳珠濺玉滙成潭椒石山前水染藍漫說

武夷峰九曲儂家相較更多三

椒石潭在縣西北椒石山下十二曲山去縣三十里上有飛瀑如簾冬夏不竭

愛民崇儉是今時勤政華堂訪舊基山署

莫嫌無長物尙餘古壁杜公詩

勤政堂在縣治中清心堂前今已廢元時凡廉訪使者出巡皆視事於州治至元中浙東僉事杜公秉彝有暮春行部詩題於後堂壁上

磊瀆坑邊白板齊桃源風景想依稀經鋤

績火吾家事也擬來耕雨一犁

紫巖鄉有磊瀆坑在蜈蚣山之下方輿勝覽云俗勤耕織至今尙有餘風

春流直下響淙淙悅濟浮橋失舊椿何日

使君重起廢彩虹再見鎖澄江

悅濟浮橋在縣西門外臨跨婺衢二
港宋紹興中江運使衍所創成於知
縣江文衡有橋庄之田以資修葺元
季世亂始散壞明初賈存義李璉諸
邑侯重建俱為洪水所毀萬歷二十
二年大興學士趙文懿公志臯與葉令
永盛重興後亦廢於兵燹國朝順
治初知縣季振宜再建故朱竹垞有
詩云直到蘭谿看明月浮橋不鎖待
吟船今又廢惟以數舟渡人而常有
覆溺之患司民
牧者宜留意焉

保寧古院枕江濱況有松門鑰俗塵一自

雪堂蟬蛻去吟風嘲月更何人

廣長菴即古保寧教院在城南江濱
漢乾祐元年建雪堂釋超凡能詩畫
曾開堂
於其中

縱囚避火愛殊奇還獄誰知盡若期以德
牧人原不負吾家駕部有遺祠

汪國楠字仲木吾徽人由進士來為
邑令忽祝融為難迫及囹圄仲木縱
囚出避火息皆如期而至後陞南
京兵部主事邑人為立遺愛祠焉

往歲無禾耕父驕特畱天庾截吳船誰

知 聖澤山靈助石粉天生取不勞

乾隆十六年浙東大旱蘭邑為更甚
詔截漕運以濟民食得免流亡而山
間又產石髓土人名曰觀音粉潔白
如麪可作餅餌窮人多雜米屑充腹

清泠不減帝臺漿大甕分嘗聯桂坊辛苦

年年官井水為他人作返魂香

官井在縣西聯桂坊其上有亭歲大
旱不竭為一坊居民所賴而閩廣充
貢荔枝諸菓經此取水
灌之能茂遂歲以為例

慕塢奎章久不存居民猶說范家源尋芳

客歲吾曾到幾樹寒梅傍墓門

范源在純孝鄉宋相范鍾祖墓在焉
有穆陵御書慕塢二字久已不存

谿頭佳句緬楊公為問遺文剩幾通若論

神明賢邑令風流猶有杖牛翁

楊與立浦城人家於蘭谿受業朱子
之門有谿頭詩云谿頭石磴坐盤桓
時見修鱗自往還可是水深魚極樂
不須妄意要投竿吳師道以為有道
之言與禽語相闕窗草不除意同柳
南隨筆云盛王贊者吳縣人也嘗為
蘭谿知縣有兩民爭一犢成訟盛乃
使牽兩母牛置於旁而篋掠其犢一

母牛作殼鯁狀遂得實歸其主晚節
托跡空門固窮以死頗稱矯矯焉

彩衣堂上春萱謝秀野亭前夢草荒畱得

佳書並妙句千年重展有餘香

彩衣堂在苧竿山之陽范宏所作以
悅親者額為金仁山先生所書今堂
廢而額存秀野亭在香谿東山側宋
通判范滸所作今廢滸乃香谿先生
弟也故香谿先生有詩云惠連
自喜陪幽賞判却歸時倒接籬

見山樓上暢遐觀好客王孫屢授餐淹滯
徒教逾匝歲松魚雖好未登盤

見山樓在予所寓趙君宗潮園中即
予所題也其族叔楠鄰秀才屢餽盤
餐松魚見於舊志云
屬土產然未一目覩

到處春山啼竹雞看花閒過萬壇谿不愁

歸路無燈火一片紅霞耀水西

竹雞蘭谿所產能辟白蟻萬壇谿在
蘭陰山附近有董氏一村徧植絳桃
春時花開爛熳如錦
誠大觀也俱在河西

閒挂偏提去訪秋偶經柳巷仰前修誰言
嶺上不堪望翠岫丹楓可破愁

元博士盛夫字正卿號蓉峯居柳巷
中能文博識名冠當時吳碧谿嘗得
宋高宗草書桂花詩碑本正卿見之
能考知其為某年月日賜某人者吳
正傳禮部深嘆賞焉停驂嶺上不堪
望一片白雲是故鄉元御史管某次
杜僉事秉爨暮春行
部至蘭谿詩中句也

乞雲有應陳天隱禱雨無虛金景文忠孝

克全從古少董君節操更超羣

天隱字君舉世居望雲鄉之中社以
篤孝稱母卒歸葬時屆炎暑畏日如
焚先期焚香乞雲覆棺已而果應既
窆雲散人皆異之景文字唐佐事祖

父最孝祖嘗患噎禱而隨瘳及父患
疽又禱於天乞以身代疾亦尋愈鄉
人遇旱日早無若金公禱必雨果隨
禱而應人以為孝感董少舒字師仲
與唐佐俱君舉同里人父亡負土築
塋廬於墓側有靈芝之祥時睦寇壓
境妄稱聖公能役陰兵師仲援唐永
徽中陳碩貞興妖伏誅事綴文示眾
眾悟相率抗賊
保全者萬餘家

吳奐佳書月鑑荷昔年二妙有誰過零縑

蠹簡無由得絮酒思尋宰堵波

吳奐字德章刻志好學善書能醫著
有詩集名蘭渚漁歌朱月鑑字失傳

明初以善畫荷花得名就居旁小池
植荷數品作亭其上坐觀荷之生長
態度便爾筆妙入
神今俱不可得矣

懸崖一擲快登仙節並清風嶺上傳不是

潛谿曾立傳誰將彤管續新編

邑人吳履室謝芾本金華人元季兵
亂履出亡芾攜女子入山度不能免
顧為媵曰汝善視吾兒吾於此死矣
力疾捫蘿而上立巖險絕處先投其
女而身繼之俱死明
學士宋濂曾為立傳

前代詩僧推至剛氣無蔬笋掌含光石門

一卷遺文在高格真堪配可堂

明初聖羅山僧至剛有禪行能詩詞
姚廣孝之師也
山居句云門外青
山知幾堆白雲閑鎖不曾開嶺梅也
似憐孤惇時送暗香窗外來及砂鍋
嘗煮和根菜不與人間氣味同等句
爲人所稱著有石門語錄棲真寺僧
可立號雪菴蘇文定公之後著有可
堂集傳於世今仁山先生爲跋其後

南城江上我曾居考古人多笑借書朱呂

遺踪無處覓可堪亭亦化邱墟

佳山水亭在城南塔下久廢卽予舊
寓袁氏宅畔地也明徐一清送徐學

正有詩云城南峙浮屠千尺凌雲表
下有長流川西注極浩渺風行自成
文匹練澄皎皎臨流構精舍非爲供
登眺朱呂遺迹存盍簪此談道君今
溯其源學海終可到

桂花墳畔簇天香剪剪西風釀薄涼斜日

四層樓上望大慈巖是滲金妝

城東郭氏祖墳上多植桂人俱呼之
爲桂花墳四層樓在南城盛家最高
聳大慈巖去縣西北五十餘里勝絕
處名洞天一覽董華亭所書也山勢
峻拔合邑皆望見之

覺海行踪絕草痕人言禪坐石猶存遺風

舉國還如醉時禮金身兩足尊

坐禪石在金峰寺側相傳覺海曾坐
禪於此石之上四圍有行迹至今無
草故唐貫休有詩云人言覺海老宗
師隱絕層巔世莫知青草不生行道
跡白雲長護坐禪磯六環金賜飛來
後一派銀河瀉落時借問大心能濟
物龍門風電捲天池

東城郭外福興菴叢竹周牆映翠嵐笑凭

鐘樓凝眺處遙林如薺屋如蚶

福興菴在東門郭外數里面山踞巖繞舍多竹頗為幽邃蓋閩人所建也

程君墓廢劇堪憐寒食誰分一陌錢記得

祭碑當日事過人先見竟如仙

洞源龍山有程濟墓相傳云從建文帝至皇回菴故卒於此馬鬣頽廢僅存數尺之碑矣

白鶴西飛去不還琅函寶笈絕微言遇僊

栢已成僊去無復濃陰覆院門

白鶴山去縣四十里俗傳白鶴真人煉丹之處也宋儒張潤之號思誠子

從北山游深得朱子正學元瞻思續東陽志云遇仙栢在浩然觀前傳云此栢久枯一日有道士過而斫之遂復榮茂今不存觀亦久廢

亞夫遺廟一偏崇石像傳聞毅魄雄當日

奇謀渾不用封侯血食是何功

范增廟在苧竿山宋鄉貢進士董綱記云楚范增廟晉天福間有石像呈異故廟於此水旱疾疫有禱必應其鄉人最崇奉之

白雁灘前戲採蓮蒲絲織雨柳拖烟瑞山

也學儂家髻時挽雲鬟鬪可憐

白雁灘去縣西北三十五里與睦州接壤故無名子有白雁望雲來之句

瑞山在縣西二十五里外舊產瑞麥故名

涼泉舊例俯丹崖孤負尋芳破笋鞵野店

梅花銷歇盡空吟五字范蒙齋
寶惠教寺舊名涼泉在武昌鄉十都今廢宋蒙齋先生范瑞臣有冬日寓居寶惠寺詩云人語野橋店鳥鳴桑柘村又云松桂不改色梅葢亦已繁

逸老閣荒餘碧草明因院古黯金沙御風
且上東巖去閒倚虬松看落霞

逸老閣宋唐堯卿所建也今廢明因院在瑞山上東巖處其東廣嚴院

內多喬松

琴材已長過檐牙領袖羣仙識不差驀地

一聲雷震起手中斑管便生花

金華府志婺州子城內舊有桐樹十餘株識云桐樹齊檐出狀元宋紹興

間一株長與城樓檐齊癸丑永康陳亮魁多士旣而桐為風折又生一新

枝嘉定間復與檐齊庚子金華劉渭繼為大魁皆應前識狀元錄云蘭谿

唐汝楫寫家狀方執筆忽屋上有聲如推裂之狀衆驚視卒無所見因視

手中筆裂而為四汝楫自識為異兆焉後果大魁

孫老寫生渾入妙王郎八體頗能工後時

掌錄成新記多半風流屬寓公

孫志臯錢塘人善畫而更長於花卉老死蘭谿王遠圖嚴州之建德人舊

曾僑居真草篆隸俱妙且善左臂作書今尚存

雙蟹難逢六月時澱灘往事已稱奇楓山

更有雲初好至孝人傳在井舂

趙漢父某盛夏患病思蟹漢顛拜澱灘蟹為浮出持歸奉父疾因得瘥士

人贈詩有雙蟹難逢六月時之句明季兵潰恣掠鄉村章瑗度之父有成為兵拷勒痛憤投井瑗度奮身從之抱父呼救鄰人擲繩引上再擲繩下

瑗度已氣絕矣

春盡江隄舞柳花拱宸門外散晴霞曾聞

德祐龍蛇戰短鏃時猶露淺沙

拱宸北城門名也宋德祐間唐元章起義與元兵戰於黃湓灘斬其將奚

達魯元兵退保桐廬

風流艷說方玄素到處名山有馬蹄怪道

遺編清似水原來高臥在寒谿

明方太古字玄素家住寒谿上因以為號遊三吳與楊循吉都穆文徵明結社唱和歷八閩匡廬九華秣陵諸名勝到處名士爭相引重晚歲好道建棲真樓居之數年不入城市而卒

詠史詩傳定遠尉九張出自浣花機近來

鄉里輕前輩格律何人問發微

詠史詩宋定遠尉徐見心著許白雲為序杜詩發微宋杜旃仲高所註也

蒼漪閣廢長春蕪竹外山猶展舊圖曾見

耳孫親為說鸞綾玉軸失桓廚

城中天福山半有蒼漪閣明趙翀建以藏先世勅誥今閣廢而所藏亦散失殆盡矣

槲葉霜乾星紀窮膠舟最是石塘洪褰裳

笑涉微波去記取風流樊榭翁

石塘洪去縣西北三十餘里亂石斜出水落尤險亡友厲孝廉鶚字太鴻一號樊榭山民有石塘洪阻淺句云褰裳涉微波故及之

孤絃獨詠忽成編剪燭閒披空自憐不憚

青溪村歌
三九
辛勤蒐斷簡要畱故事說他年

地雖禮樂舊邦然儲書甚少卽先朝
諸大家集亦多零落而郭姓所修邑
乘尤不足觀也

蘭谿權歌終

